



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LOKUTHOMA (P1)

FEBHERBARI/MATJHI 2016

IMITLOMELO: 70

ISIKHATHI: Ama-iri ama-2

Iphepheli linamakhasi ali-12.

YELELA

1. Iphepheli LINEENGABA EZINTATHU: ISIGABA A, B kanye NESIGABA-C.

ISIGABA A: Ukufunda nokuzwisisa	(30)
ISIGABA B: Ukurhunyeza	(10)
ISIGABA C: Izakhi nemithetjhwana yokusetjenziswa kwelimi	(30)
2. Phendula YOKE imibuzo.
3. Thoma isigaba ESINYE NESINYE ekhasini ELITJHA.
4. Thalela ngemva kokuphendula imibuzo yesigaba ngasinye.
5. Tlola iinomboro zeempendulo zakho zifane patsi nangendlela ezinonjorwe ngayo ephepheni lemibuzo.
6. Tjhiya umuda OWODWA ngemva kwaleyo naleyo pendulo.
7. Yelela kobana upelede amagama ngendlela efaneleko bewutlole nemitjho ezwakalako.
8. Isikhathi esiphakanyisweko sokutlola isigaba ngasinye:

ISIGABA A: Pheze imizuzu ema-50	
ISIGABA B: Pheze imizuzu ema-30	
ISIGABA C: Pheze imizuzu ema-40	
9. Tlola kuhle nangesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula imibuzo engaphasi kwetheksthi eku-1.1 nengaphasi kwesithombe esiku-1.2.

1.1 Funda itheksthi engenzasi bese uphendula imibuzo elandelako.

ITHEKSTHI A

**UKUTHATHWA KWEPAPHLA EENTOLO ZABANTU BOKUFIKA LILUTJHA
LENARHA YEKHETHU**

Mhlana amalanga ali-16 enyangeni kaMgwengweni ngomnyaka we-1976 iintarada zeSoweto zazizele ngelutjha eliduna nelisikazi elalikhate lihengezela ngonobangela wokungaphathwa kuhle kanye nobujamo obuthusako elaliqalene nabo. Ilutjheli ubunengi balo kwakubafundi, latjhagala eentradeni zeSoweto ezazizele ithuli zinganghonyileli kwaphela ukusetjenziswa kwelimi lesiBhuru njengeli lokufunda nokufundisa ngeenkolweni zemalokithini kodwana zilwela nokwehliswa kwalo isithunzi ngokulawulwa ngekani enarheni yalo yokubelethwa.

Emalangeneni angasimangaki adlulileko iintarada zeSoweto bezisebujameni obufanako nebangomnyaka we-1976. Ilutjha beliqede iswigiri. Gadesi belingalwisani nokuphathwa ngesihlungu nanyana ukugandelelwa ngokombala mBuso webandlululo kodwana belikwatiswe maSomali ababanikazi beentolo, ekumadoda abaleke izipi enarheni yekhabo azokukhosela enarheni yeSewula Afrika nayibona njengenarha enothileko neletha amathemba ekhontinentini ye-Afrika ezungezwe kungathobelani kwemibango yezepolotiki nokungarhwebelani ngefanelo ngehlangothini lezomnotho.

Eemvekeni ezidlulileko kubonakele kubuya ukuninana ngokobuzwe. Ukuninanokhu kubangelwe kudunyuzwa bekubulawe umsanyana oneminyaka eli-14 elokithini leSnake Park, eSoweto. Kusolelwa bona umsanyana lo udunyuzwe mSomali omnikazi wesitolo. Ngokutjho kwezakhamuzi ekukhulunyisenwe nazo nakwenziwa irhubhululo ngendaba le zithi indoda yeSomali le ilinge ukuqotjha umsanyana obekabhema inyawupe esitolo sayo nekusitolo esinomlando wokugqokezwa. Abaziko bathi isitolwesi besihlale sigqokezwa nguye umsanyana lo. Lokhu kubangele ukutjhuguluka kobujamobu ngombana kuthiwa ekukhambeni kwesikhathi isiqhenyana sabesana sibuthelene ngaphandle kwesitolo somSomali lo, samthusela ngokobana sizokuphanga ipahlakhe ayithengisako. Kungesikhatheso lapho umnikazi wesitolo adumuze aqalise ngesiqhenyaneni sabesanaba. Kulapha umsanyana oneminyaka eli-14 lo alimele khona bewahlongakala; kwathi omunye walimala emkhonweni. Ukudumuzokhu kubange ukusilingeka emphakathini, izakhamuzi zathoma ukusahlela iintolo zamaSomali.

Ekukhambeni kwamalanga imiguruguru yaphadlhalalela nakezinye iindawo zeSoweto kule komlilo wommango owomileko. BekungeLesine ntambama lokha omunye wezakhamuzi nomrhuhululi weendaba zephephandaba le-*Daily Marverick* nakaba netjhuu elimbi lokubona imiguruguru le elokitjhini lekhabo, i-Dobsonville Extension 2. Uthi bekabuya emhlanganweni edorobheni lokha nakahluka eteksini abona abantu abanengi bajame esitaradeni kunento abayibonako ngaphambi kwabo. Uthi wagijima ngomnqopho wokuyokuhlola bona kwenzakalani. Uthi akubonileko bekuhlathisa umzimba kangangokuthi nagadesi kusamhlubayelisa umkhumbulo.

Isiqhenyana sabesana besingena emfulelweni wesitolo somSomali silinga ukuphanga ipahla engaphakathi. Uthi ngokukwata okukhulu yena nabanye baya kibo babatjela bona angeze bavumela ihlangahlangano nokungalawuleki emphakathini wekhabo.

Uthi abesanaba babaleka ngehlobo lekoloji i-VW ehlaza ngombala. Ngetjhuu uthi wakghona ukutlola iinomboro zekoloji leyo ukwenzela bona azinikele amapholisa nakangafika ekukhambeni kwesikhathi. Umdobhiindaba wephephandabeli, uMalaika wa-Azania uthi ukudunyuzwa kubulawe umsanyana weminyaka eli-14 mnikazi wesitolo ongeweSomali kuzwisa ubuhlungu begodu akwamukeleki kodwana akukafaneli kuqalwe ngelihlo lokubandlulula ngombana kuletha isithombe esimbi ngenarha yeSewula Afrika eenarheni zangaphandle.

Uthi umhlali wenarha le kodwana izinto ezenziwa besanyana ababhema inyawupe ziletha ukungezwani hlangana nemiphakathi ehlukenekene. Uthi izinto abazenzako emphakathini zimbi khulu begodu azibekezeleleki. Uthi baphula imizi yabo babebale ipahlabo abayisebenzele budisi kanti eentaradeni bayabagebenga kangangokuthi sebaze bayasaba nokukhamba ibangana elifitjhani ukuyokufika lapha kukhwelelwa khona iinteksi. Uthi ubujamo bumbi kangangokuthi abasakghoni nokutjhiya iimpahla edaradeni yokuneka ngombana bazeba nanyana zisese manzi. Uthi sekusikhathi eside abanikazi beentolo abamaSomali babongazimbi bokuphadlhelwa iintolo kwetjiwe ipahlabo abayithengisako. Esikhathini esinengi nakwenzeka izehlakalwezi umphakathi namapholisa akukho abakwenzako ukuvikela abongazimbaba ngokubamba abesanaba kodwana esikhundleni salokho nabo bahlanganyela nabo ebulelesinobu.


Nanyana kunjalo uMalaika wa-Azania uhlabu ukutlhogeka kwemisebenzi nekusususa sabo boke ubulelesobu. Uthi ubudisi obukhulobu bulethwa kuhleleka okungalinganiko komnotho odzimelele ebantwini abalidlanzana bombala omhlophe bese kuthi inengi labantu abanzima nebangebenarha le ngokwendabuko baqalane nomtlhago. Inengi labantu lelutjha alikghoni ukuragisela iimfundo zalo phambili emaZikweni aPhakemeko begodu ngalokho lidinywa amathuba wokuzikhulisa lona ngokwalo nokuhlanganyela nabanye bese liyazijamela ngehlangothini lezomnotho. Ngemva kokuphumelela igreyidi le-12 lizithola linganalitho elingalenza ligcine sele lihlala emakhoneni libonisana ngezobulelesi bekufike lapha lizibandakanya khona neendakamizwa.

[Ithethwe ephephandabeni i-*The Sunday Independent*, 25 kuTjhirhweni 2015 yatjhugululelwa esiNdebeleni]

- 1.1.1 Tlola igama lelokitjhi lapho ukuphangwa kweentolo zamaSomali kuthome khona. (1)
- 1.1.2 Tlola izinto EZIMBILI ilutjha langomnyaka we-1976 elalilila ngazo ngokutjho kwetheksthi le nalizakutjhagala eentaradeni zeSoweto. (2)
- 1.1.3 Tlola isizathu esenze bona amaSomali azifumane sele asenarheni yeSewula Afrika. (1)
- 1.1.4 Ngiziphi izinto uMalaika wa-Azania angazithandiko athi zenziwa bantwana ababhema isidakamizwa senyawupe emphakathini weSewula Afrika? Tlola EZIMBILI kwaphela. (2)
- 1.1.5 Tlola urhunyenze umbiko owethulwe zizakhamuzi nazibuzwa ngesisusa sokuguruzela esikhulunyiswa etheksthini engehla le. (2)
- 1.1.6 Ucabanga bona ngimuphi umphumela owalethwa sisehlakalo selutjha langomnyaka we-1976 esikhulunyiswa etheksthini engehla le esisabonakalako nelutjheni lamalanga la? (2)
- 1.1.7 Ucabanga bona izenzo ekuthiwa zenziwa mphakathi wenarha le etheksthini engehla le zingaba namuphi umthelela enarhakazini yeSewula Afrika ngokwayo? Ipendulwakho ayibe mumutjho OWODWA. (2)
- 1.1.8 Ngokuzwisisa kwakho isigaba sesi-2 setheksthi engehla le tlola bewuhlathulule ubujamo benarha yeSewula Afrika nayimadaniswa nezinye iinarha ezisekhontinentini ye-Afrika. (2)
- 1.1.9 Phendula isitatimende esingenzasi ngoLIQINISO nofana AKUSILO IQINISO bese usekela ipendulwakho ngelwazi onalo.
- Nange umbuso ubuyisela boke abantu bokukhamba eenarheni zemakhabo imiguruguru efana nale ekhulunyiswa etheksthini angeze isaba khona. (2)
- 1.1.10 Ngokubona kwakho ungathi isenzo esenziwe zizakhamuzi zeSoweto sokunina abantu bokufika enarheni le KUYINTO EHLE nofana AKUSIYINTO EHLE? Sekela ipendulwakho uqalise esisuseni sezehlakalwezi. (2)
- 1.1.11 Nange unganikelwa ithuba lokobana ukhandele ubujamo obukhulunyiswa etheksthini engehla le bona bungasenzeka esikhathini esizako ngikuphi ongakwenza? (2)

TJHEJA: YEQA IMIDA EMITHATHU NGAPHAMBI KOKUPHENDULA UMBUZO 1.2

1.2 Qalisisa isithombe esingenzasi bese uphendula imibuzo elandelako.

ITHEKSTHI B

[Sithethwe ephephandabeni i-*The Sunday Independent*, 25 kuTjhirhweni 2015]

- 1.2.1 Tlola izinto EZIMBILI ezibonakala esithombeni nezikhombisa bona isehlakalwesi senzeka endaweni elilokitjhi. (2)
- 1.2.2 Ngokurhunyezweko tlola ubujamo obubonakala busenzeka esithombenesi. (2)
- 1.2.3 Umsana obonakala agijima aseqa isitarada lo ngaphandle kokubalekela bona angabotjhwa mapholisa ucabanga bona kungaba ngimuphi omunye unobangela ongamenza agijime kangaka. (2)
- 1.2.4 VUMELANA nofana UPHIKISANE nesitatimende esingenzasi bese usekela ngomutjho OWODWA isiqunto osithathako.
- Navane kwenzeka isehlakalo esifana nalesi esibonakala esithombeni esingehla abantu ababa bongazimbi ngilabo abetjelwa ipahla kwaphela nekubabantu bokufika enarheni le. (2)
- 1.2.5 Ngokuyelela okutjiwo yitheksthi engehla le nokuqalisisa ubujamo obubonakala esithombenesi, coca ngendima engadlalwa ngurhulumende ukukhandela izehlakalo ezifana nalezi. (2)

IMITLOMLO YESIGABA A: 30

ISIGABA B: UKURHUNYEZA**UMBUZO 2**

Fundisisa itheksthi elandelako bese uyayirhunyeza ngokwemiyalo onikelwe yona.

IMIYALO:

1. Ngamagama angadluli kwama-70, rhunyeza ngendima eyodwa uveze **iindlela umfundi angazilandela ukulungiselela ukutlola iinhlahlubo zokuphela komnyaka.**
2. Umutjho owutlolako endimeni awube nomqondo OWODWA opheleleko.
3. Tlola ngelimi elitsengileko ngombana uzokwabelwa imitlomelo emi-3.
4. Sebenzisa amagamakho, ungabuyeleli utlole njengombana kutloliwe etheksthini ngombana uzokulahlekelwa imitlomelo.
5. Tlola inani lamagama owasebenzisileko ekupheleni kwesirhunyezo sakho.

ITHEKSTHI C**UKUZILUNGISELELA UKUTLOLA IINHHLALUBO ZOKUPHELA KOMNYAKA**

Ukubuyekeza umsebenzi wesikolo lokha nawuyokutlola iinhlahlubo zokuphela komnyaka kungakwenza bona uphumelele kuhle. Kuba budisi khulu nawungazange uzilungiselele kusese nesikhathi. Abafundi abanengi abaphumelelako eemfundweni zabo bathoma kusese nesikhathi ukuzilungiselela ukuze kuthi nakufika isikhathi sokuhlolwa babe sele bakulungele ukutlola. Akukafaneli bona ufunde umsebenzi omnengi ngesikhathi esincani. Nawuzama ukwenza lokho ungazithola sele udiniwe ungakafumani litho ekufundeni kwakho. Lokho kungakubangela bona ube nokugandeleleka komkhumbulo.

Hlukanisa umsebenzakho kancani kancani nangeenkhati ezincani. Inggondo itlhoga isikhathi esaneleko sokuphumula, njeke umfundi akakafaneli azithole sele afunda ubusuku boke akatelela bona abambe izinto zomnyaka woke ngesikhathi esifitjhani. Yiba nesikhathi esithileko osihlelako sokufunda begodu uzame ngazo zoke iindlela ukusilandela. Abanye vane bahlele isikhathi sebusuku ngombana kusuke sekuthulile bangasaphazanyiswa lilitho.

Kuba kuhle ukuzibekela ukobana khuyini ofuna ukukwazi ngesikhathi esithileko. Abafundi abanengi bamane bafunde nanyana yini. Kuhle ukuthoma ukufunda nasele ulenzile ihlelo lakho lokufunda begodu likhambisane neemfundo ozenzako. Ihlelo lokufunda liba yindlela eya epumelelweni. Kuba kuhle ukobana ihlelo lokufunda lithonywe kusese nesikhathi esaneleko sokufunda. Yakhani iinqhema zokufunda nabanye abafundi abaneemfundo ezifana nenizenzako. Ukufunda lokha iinhlahlubo sezitjhidele kukuzibambezela wena ngokwakho, ngakho-ke buyekeza umsebenzakho. Abadala bathi amakonyana akhethwa kusakhanya.

Nasele ufunda ngokurhaba nakhunye okuzokungena ehloko akukho, esikhundleni salokho ungenwa mamanzi emadolweni ukhohlwe nalokho ebesele ukwazi. Abafundi kumele batjheje bona bathoma ngeemfundo ezibapha umraro maqangi ukuze babe nesikhathi esaneleko sokuzibuyekeza. Nawuzilungiselela ukuhlolwa kumele uthome ngazo zona lezi ocabanga bona zibudisi. Inggondo nayo isuke isakulungele ukwamukela nanyana yini begodu isese nomdlandla nomfutho.

Abangani nawufundako bayaba ziimphazamiso ezikulu. Njeke kumele abangani bakho balazi ihlelo lakho lokufunda begodu ubatjele bangakuphazamisi ngalezonkhathi. Kunengi ukuphazamiseka ekufundeni nawuthola abangani basoloko bakubethela umtato. Kokuthoma indlela yokufunda kwakho iyaphazamiseka. Kwesibili abangani bakho bangakhuluma ngento ezokukhupha uphele ekufundeni. Okuhle okumele ukwenze nawufundako kucima umaliledininakho. Nawungalandela imiyalo ebalwe ngehla le ungazithola uphumelele ngamalengiso.

[Ithethwe ku-Inthanethi yatjhugululelwa esiNdebeleni]

IMITLOMELO YESIGABA B: 10

TJHEJA: THOMA ISIGABA C EPHEPHENI ELITJHA.

ISIGABA C: IZAKHI NEMITHETJHWANA YOKUSETJENZISWA KWELIMI

UMBUZO 3: ISIKHANGISO

Qalisisa isikhangiso esingenzasi bese uphendula imibuzo elandelako.

ITHEKSTHI D

MBALENHLE FLOWER SERVICE

**UFUNA AMATHUTHUMBO WOMTJHADO, WELANGA LAMABELETHO
NOFANA WOMNYANYA?**



Amathuthumbo
wetafuleni:

Eli-1 = R50,00
Ama-2 = R75,00
Ali-10 = R250,00



**AMATHUTHUMBO AMIHLOBOHLOBO BEGODU AMIBALABALA! IINTENGO
NGUTHATHA MI! WARIYADA UZAKULILA NGOMLOZI!**





1. Kuthengwa ngekarada lebhanga kwaphela.
2. Umuntu oyedwa akathengi amathuthumbo adlula kwali-7.
3. Ebusika iintengo ezibonakala esikhangiswenezi zibuyelelwa kabili.

[Zithethwe ku-Inthanethi]

- 3.1 Tlola amaphuzu AMANE abonakala esikhangisweni esingehla abufakazi bokobana abatloli besikhangiswesi bawalandele ngepumelelo amaqhinga wokukhangisa. (4)
- 3.2 Hlathulula bona kungebanga lani amagama athi: '*FLOWER SERVICE*' atlolwe butjhigama esikhangisweni esingehlesi. (1)
- 3.3 Ingabe ibinzana lamagama athi: 'IINTENGO NGUTHATHA MI!' elisetjenziswe esikhangiswenesi limumethe muphi umqondo? (1)

3.4 Hlangana namagama asetjenziswe esikhangiswenesi kukhona azwakala anokubandlulula. Dzubhula amagama lawo bewuhlathulule bona aveza muphi umhlobo webandlululo. (2)

3.5 Thatha amagama asisitjho esikhangisweni esingehla uzakhele ngaso wakho umutjho ukhombise bona uyayazi ihlathululo yaso. (2)

(2)
[10]

TJHEJA: THOMA UMBUZO 4 EPHEPHENI ELITJHA.

UMBUZO 4: IKHATHUNI

Qalisisa ikhathuni engenzasi bese uphendula imibuzo elandelako.

ITHEKSTHI E



[Sithethwe ku-www.images.com]

4.1 Buyelela utlole umutjho ongenzasi bese ujamiselela igama elithalelweko ngelinomqondo ohlukileko kunalo.

Ungakhohlwa bona ngilizibulo ngakwethu. (1)

4.2 Buyelela utlole umutjho ongenzasi lo uveze zoke iimvumelwano ezisetjenziswe kiwo bese uzitjhugulule zibe sebunyeni.

Phela thina ekhaya sidla izambana leponde. (2)

- 4.3 Amagama athi: 'Ekhaya sidla izambana leponde' ahlathulula bona ...
 A ekhabo bahlala batjheba ngamazambana.
 B ekhabo banemali enengi, badla kusale.
 C ekhabo bahlala bamupha imali.
 D ekhabo banemali encani. (1)
- 4.4 Emagameni akhulunywa msana osekhatunini le dzubhula igama elibolekiweko bewuveze nokobana libolekwe kiliphi ilimi. (2)
- 4.5 Tlola bona ibinzana lamagama athalelweko emutjhwani ongenzasi lo liyikulumo bani begodu limumethe muphi umqondo.
 Nanyana ngingafeyila akunamraro ngombana akusese sikhathi esingangani ababelethi bami bafahle amafu. (2)
- 4.6 Tlola imizwa evezwa kusetjenziwa ngokubuyelela kwelungu legama elithi: 'Ha!' elisekulumeni yomsana esekhathunini le. (2)
[10]

UMBUZO 5

Funda itheksthi engenzasi bese uphendula imibuzo elandelako.

ITHEKSTHI F

Wavuka ekuseni uBenzangani walithola bona solo lisakhiza kwebusuku. Wanxafa kanye wabuyela eengutjeni walala. 'Awa abakazongibona emsebenzini namhlanje.' Mbala wabe watjhisa igwayi wathi phutjhe phutjhe, zaya. Uthe nakasabudosa kamnandi godu, wezwa ngomkakhe selamsikinya. 'somhlele! somhlele! Walala kwabe kwaba semini kangaka kanti awuyi emsebenzini namhlanje na?' wavala phetjheya ugala waje avumela ihliziyo yakhe bona isile iimbozi. Umkakhe uthe nakazomvusa kwesibili wezwakala bona kuyinto ayaziko ayenzako le.

'Hlukana nami wena. Angidakwa mina bona ngizakuthi kumakhaza kangaka begodu lisina kangaka ngithi dlhemedlhome batjho ngiyemsebenzini. Awuboni bona kunjani ngaphandla? Ufuna ngizifakele umgomani ngibona nje? Ngisusela mina!', itjho igubezela indoda. Kwamkhanyela umfazabantu bona ayisingangaye le. Wazithulela wayokwenza imisebenzakhe yekuseni, ukuhlambisa abantwana balungiselele ukuya esikolweni.

Lathi seliphezulu wakhona avukako ugala nakhona avuswa kukobana ubuthongwana ebebumenza acabange ukungayi emsebenzinoba sebuphelile. Sewubathe uphenduphenduka ngeengutjeni do ukwehla, sekusemini phela.

- 5.1 Tlola bona amagama athalelweko emutjhwani ngamunye kengenzasi le aziinkhekhe bani zekulumo.
- 5.1.1 Hlukana nami wena. (1)
- 5.1.2 Sewubathe uphenduphenduka ngeengutjeni do ukwehla ubuthongo. (1)
- 5.2 Tlola isiqu sesenzo esisetjenziselwe ukwakha ibizo elithalelwe emutjhwani ongenzasi.
- Wavuka ekuseni uBenzangani walithola bona solo lisakhiza kwebusuku. (1)
- 5.3 Buyelela utlole umutjho ongenzasi lo kodwana uveze umqondo wokuvuma.
- Awa, abakazongibona emsebenzini namhlanje. (2)
- 5.4 Tlola bona umutjho ongenzasi lo ukuyiphi indlela yesenzo.
- Walithola bona solo lisakhiza kwebusuku. (2)
- 5.5 Ngokuyelela imithetjhwana yokutlolwa nokupeledwa kwelimi buyelela utlole umutjho ongenzasi lo ulungise okungakalungi kiwo.somhle kwa! Walala kwabe kwaba semini kwenze njani? (2)
- 5.6 Thatha isenzo 'dosa' esisetjenziswe etheksthini engehla le wakhe ngaso isitjho. (1)
- [10]**

IMITLOMELO YESIGABA C: 30
INANI LOKE: 70